

南翥集序

友人南海歐君楨伯入官太學余從巴  
至京往候君所出詩一卷視余曰南翥  
集蓋屬者有太夫人之事君自光州還  
家後所為哉君有雅才喜讀書故其論  
著多閎博奇偉又特精於詩人謂君當  
豫承明金馬之選雍容書府作為文章  
以歌頌 本朝之鴻美何不可者顧今

區區音集 西書月  
編名郡邑諸博士牒中一教廣陵再移  
汝南既歸家持服三年乃稍遷今官抑  
何其不遇也雖然始君結髮時俯首就  
書至于今口誦舌吟不勑者固邀一時  
之榮名已乎其意將欲含精吐華追古  
邁今為一氏之語施之不朽哉即官階  
高下猶薜華之朝夕也安在其遇不遇  
邪君詩故溫麗有典刑其在江都則清

曠超遠江淮之間多傳之最後官汝南  
游梁遠周以歸則好為倜儻卓詭之辭  
實與今號稱鴻公鉅匠漸采錯繡務欲  
衣被天下令後世無以加方古則泰視  
今維烈後世讀君詩有不嘆士子既凋  
者半而君與數公並軌齊驅以凌厲一  
時盛矣盛矣又况太學可階承明金馬  
乎異時雍容書府探石室窺玉版考見

當世之成功盛德有所彫篆宣示罔極  
未為晚也余徧得讀君詩輒通論之因  
書集端帙之從史

萬曆乙亥長至始安張鳴鳳撰

南翥集卷之一

嶺南歐大任楨伯甫

南歸酬黎惟仁梁公瑞唐寅仲鄧君肅黃幼  
章梁少學黃幼年林開先見過二首

馳驅游已倦勞苦意何深把袂千秋淚抽簪萬里  
心文章寧跋扈閭巷且游沉知爾憐同調翩翩故  
遠尋

皮骨餘生在七奔今亦勞馬蹏諳至理鷄肋見吾  
曹四壁家徒立雙鉤氣尚豪求羊能不負開徑引

蓬蒿  
春日沈令純父邀集來鶴軒二首

花開一縣春退食更邀賓經術知高第詞華本近  
臣城隅霞竝落廳事鳥相親右率今離夜應憐楚  
瀨人

爲政風流者千山遶射堂兵收投袂後書掩斲輪  
旁劔匣多龍氣詩名已鴈行慚予披褐客半似次  
公狂

沈純甫見過不值

病起江千一櫂歸翩翩皂蓋訪魚磯烏皮几在攜  
家隱白板門深見客稀滄海霜隨旌外落羅浮雲  
傍烏邊飛徵書十道聞將下強欲從君願已違

答劉憲使見訊

滇江兵後信蹉跎不爲衡陽鴈少過西去朱陵題  
字滿南來銅柱勒功多龍驤使者書頻寄鷄骨山  
人病奈何匣有芙蓉霜雪色滄洲畱得傍漁簑

戴使君邀集鎮海樓

使君開閣出風塵客有羊何盡葛巾江下牂牁連

湏洞嶺分衡岳鬪嶙峋步檐桑落千杯月吹篴梅花萬樹春休汝不教車騎入白雲今乞宰官身

送戴使君還閩

挂冠神武更何疑去國誰堪黑髮時灞上獵逢亭尉醉杜陵人望蔣鄉遲鼓行自喜飛揚甚箕踞深知造化私應向虹橋吹鐵笛九歌不用楚臣辭

七夕同梁公瑞鄧君肅黃公補張元春黃公

紹集梁思伯宅得簾字

嘉期不易得涼月照纖纖烏警江城笛鷗衝水閣

簾客游吾已倦郎署爾方潛幾日乘槎使星河別恨添

秋夜同梁思伯諸君招沈純甫集禺山池亭  
得心字

謝氏西池客斯游遂至今滄江星欲散金馬陸會  
沉去住牽裾淚風塵說劒心嶺頭他夜月偏照五  
湖深

純甫見邀同思伯惟仁公補公紹飲小瀛洲  
得高字

闕多單父日命酌俯烟濤石引叢青上河窺太白  
高揚蛾人自妬策駿爾偏豪醉裡筮篔曲南音敢  
竝操

同陳忠甫過余彥綸

八桂賁禺甲第崇重來飛蓋故人同河山半似遼  
東鶴京洛猶思鮑氏驄白雪憑陵今寡和青雲跋  
扈各稱雄登樓大有秋風興斗酒誰堪狎孟公

劉憲使招飲禺山園同梁思伯黎惟仁梁宣  
伯張元春賦

籬門橘柚一筵開賓客何人頌酒才乍湧烟波分  
粵浦可禁秋色滿秦臺白鳩拂舞山城宴黃石兵  
符海艦廻此夕庾公情不淺萬家明月塞鴻來

無錫盛生自燕京來游羅浮值予臥疾道園  
寄贈鄙句

爲有千年約寧知萬里勞羅浮邀葛令滄海問盧  
敖片雨山山葉孤帆夜夜濤天涯不相見心寄大  
行高

懷曹子念

季布惟一諾君卿無五侯囊金因客盡匣劍向人  
愁風雨便高枕菰蘆寄小舟相思東海上幾醉王  
鱸秋

送張元春兼寄俞仲蔚

三首

婁東逢爾已經秋萬里能來嶺外遊歸去輕裝揚  
子驛片帆秋色下長洲

崑山曾過憶俞公伏枕扁舟涕淚中布帽蕭條君  
不見飛鴻偏在五湖東

他鄉寧似故鄉遊明月猿啼五嶺頭闔闔城邊楓

葉起白雲何處不悲秋

輔國將軍竹隱朱公輓詞

西京王子侯醴客重南州聞樂會看對稱詩雅好  
游翛然大鳥下淒矣亂鳥愁何處吹笙過緱山一  
片秋

題朱用晦灌息軒

君豈於陵子清時亦灌畦桔槔機自息蝴蝶夢俱  
迷支枕存鴻寶揆書誦馬啼千秋高士傳多在豫  
章西



芙蓉園

彼美西園中庶卉各有姿芙蓉一何好修莖擢金  
池素波濯絳華惠風時紛披夕舒零露下旭日照  
灼之魚戲龜來游植根非澤陂公子延貴客清夜  
吹參差高臺飛蓋來進酒騰羽卮徽音屬相和濡  
翰奏雅詩人生貴行樂歲晏嗟畱夷芳草自本性  
何必菜與蔬酬君千金壽令德以爲貽

龍沙草堂

水似游龍帶郭斜蘭臺池館桂叢花江陵沙起劉  
虬隱南浦堂開孺子家百代風流看筆札一時賓  
客在烟霞聖朝誰道東陵貴唯有青門五色瓜

賦得甘露臺贈胡明府

山邑分符政已成築臺甘露表賢聲銅盤入月分  
雙闕玉樹三危注五城南海總歌明主瑞西京  
曾識使君名臣清本是胡家事不少中原攬轡情  
爽臺爲朱同伯賦

江上飛濤樹杪開豫章西北有高臺揮毫萬里雄  
風起挂笏千山爽氣來楚客鳳歌無世念漢家龍

種盡天才兔園賦雪延枚叟灑酒平蕪醉幾迴

送陳南海人覲

名高片玉重文儒嶺外風雲握漢符南海夜光搖  
列宿建章春色下雙鳧長籌已借樓船出近侍應  
歸禁闥趨咫尺主恩詢治狀鳴絃千戶足秋租  
答朱用晦懷予光州之作予時游河洛已歸

嶺南

江上雙魚尺素遲秋風吾已解歸時洛陽一葉飛  
何處少室三花好寄誰酒罷頗能行荷鍾乞一猶

自哭吹簾故人不見飄零色只問西游萬里期

答朱貞吉讀予游梁作見寄

我昔西游客請從聞君雅樂奏三雍梁陳一日  
俱下枚馬千秋不可逢隱去只今疑澤豹技窮誰  
復論雕龍藏書敢比匡廬石獨憶嵩林半夜鐘  
得朱孔陽書却寄

天高木落尉陀樓蕭瑟千家望斗牛五嶺北來鴻  
鴈字大江西下白雲秋宅非蔣詡貧無客書媿虞  
卿老更愁縱有長裾何處曳自能箕踞臥滄洲

寄余德甫

十載彈冠答 聖朝短衣今自傍漁樵詩名不借  
青雲大交態誰疑白眼驕病免風塵猶瀕洞居閒  
賓客未蕭條佳山祗隔南禺路醉把梅花上鐵橋  
送沈純甫上計

趙尉臺前散海氛少年歸漢似終軍襜帷曉送羅  
浮月閨闔春開碣石雲製錦三城騰薦疏揮毫五  
色見雄文故人交戟應相待獻納黃門奉聖君

秋夜道園山中同舍弟明叔經季

歸來萬里哭聲吞况是淒淒道者園木石欲銜填  
大海風雲長送入修門哀歌憔悴心何託孤憤河  
山氣僅存九苑誰憐千載事啼螿一夜傍殘魂

題潘中丞畱餘堂

騎省當年作賦名雲川今有洛濱情門因廷尉容  
車大星向中丞獨坐明家慶長畱看列戟 主恩  
深注待持衡傅經世守春秋學何但立成在漢京  
梁彥國量移德安司理過草堂爲別

漢東星轉法爲官猶作南音楚客看海鶴飄零人

事異江楓涕泣 主恩寬壘書會借三吳色羽獵  
今驅七澤寒枕上干將堪贈汝浮雲何處望長安  
寄何徵君

呦呦鳴鹿賦嘉賓况有花開一洞春紫氣出關如  
老子白衣爲客亦山人弓旌結轍烟霞遠冠帶圓  
橋禮樂新但使絃歌能化俗由來黃綺不稱臣

陸華甫度嶺見訪

萬里輕裝上海槎白頭交只在烟霞天涯鮑靚能  
畱客江左虞翻此是家杖底滄波惟玉鳥酒邊春

色盡梅花飛龍羽翼相從遠知爾南來不爲砂

臘日華甫伯玉同賞千葉桃花懷邵長孺

小紅臘色滿山樊誰信春光嶺外村人老家能開  
酒嶼客來舟自入桃源興隨度索青藜杖詩在滄  
江白板門皮陸只今堪共賦醉憑高閣望中原

哭梁思伯

風雨偏驚萬木摧河山不盡此人才羅浮黯黯孤  
猿哭滄海蕭蕭大鳥來六傳封軺頻奉使 三朝  
視艸獨登臺竹林樵悴交期絕獨聽悲泉寄八哀

除夕同陸華甫守歲

蘇門曾此夕同是未歸人去國垂南翥登樓望北  
辰椒花吳苑客梅萼粵江春笑把屠蘇酒燈前醉  
莫嗔

海珠江上寄齊明府

何來雙鳥忽先登羨爾衣冠出五陵錦自製成推  
翰墨花曾栽遍識賢能豫章家世彤雲接粵海樓  
臺赤日升握手天涯飛蓋地便從燕闕望觚稜

寄方比部士功

藝苑西江有大家蹉跎憐我自天涯青山欲訪佳  
君鹿白髮難求葛令砂但誦馬蹏消日月強支鷄  
骨臥烟霞寄書爲問叢生桂金粟年來幾度花

寄趙使君修甫

解歸何處不堪詩束帶那能見小兒隋苑飛旌青  
柳送秦郵急檣白鷗窺執鞭但可期千載覆瓿空  
勞論一時君自詞人稱傲吏江湖分手寄相思

答朱宗良見寄

西風苜蓿照闌干伏枕青山欲見難驥尾獨憐何

處附蛾眉雖在不堪看雪飛竹箭三江下驛過梅  
花五嶺寒授簡自慚多病客洛陽誰更念袁安

懷竹西社諸子

精舍西河爲客開竹林當日集羣才匣中寒色雙  
鈎出句裡飛濤八月來捐珮只今荃蕙遠廢詩不  
但蓼莪哀嶺頭木葉江風急盡起征鴻過弩臺

寄襲克懋

二首

姓名聞海岱始就竹西尋傷汝飄零色憐子涕淚  
深閉關存傲骨說劒託雄心苜蓿差相慰無愁雪

滿簪

高齋橫講席應不廢飛觥何事淮南客猶憶歷下  
畊交情殊慘淡詩句獨崢嶸我向滄洲外逢人寄

杜蘅

草堂元夕同華父觀燈聞長孺時客都下

火樹千枝竝西堂夜不寒客因同舍至燈愛故園  
看舊賞偏能續深杯半欲乾十年飛鞚地猶自說  
長安

小樓初成陸華甫同登有作

國朝詩集 南齋卷之一 五  
海上樓成倚嘯臺風流河朔幾人來稍呼江鶴偏  
能下何處秋濤不壯哉病起五湖行欲乞家貧三  
徑待誰開君看天地容高枕豈向烟霞負酒杯

寄黎維敬

秋色龍葱玉樹青憶君委佩傷堯奠 三朝扈閣  
仍紬史五世名家只授經勾漏丹砂吾自給羅浮  
朱鳳幾時聽深山豈似東方朔從此金門識歲星  
黔中萬里憶君勞我向羅浮藥市逃歸興已同鸞

寄吳明卿

嘯遠詩名敢竝鴈行高山間白幘空皮骨海內青  
雲各羽毛才子漢廷徵盡入可能一字寄蓬蒿

送梁思立叅藩貴州

七閩法吏意如何西去還鳴白玉珂三楚風煙連  
熨道五溪魚鳥下牂牁關通絕徼巴人少日近長  
安漢使多岳牧只今開府地璽書行且慰蹉跎

送梁生侍其尊人少叅公赴貴州

敬客知公子承家一俊人郢歌飛白雪越鏐照青  
春下馬談經地聽鷄問寢晨荆梁遊遠徼歸看錦

囊新

七夕沈純甫邀集禺山園同陸華父黎惟仁  
黃公補公紹分得臺字

池閣初逢此夕杯使君天上賜金迴珠隨明月三  
更出槎似銀河萬里來砧杵鄉心頻作賦河山秋  
色一登臺尊前共有沈酣興莫遣城頭畫角催

潘子朋余季美雨夜見過時華父還洲上

江雨籬門暗扁舟二妙過通家堪孔李和者到羊  
何茅屋秋聲早松醪夜語多客居同甫里猶得慰

蹉跎

送陳道襄赴闕

長安君到日才子得陳琳連璧慚同舍雙鈎托片  
心俠遊燕客貴經術漢儒深爲問金門下何人解  
陸沉

答黃公紹

千里風塵瀕洞間故園秋共一尊閒帆前滄海虛  
敖路杖底朱明葛令山越騎兵戈聞息戰漢家金  
鐵許通關知君不上干時策落日漁樵數往還



秋日同陸華父黃元光泛海登佛教臺

濤上西風起片帆青山攜手上巉巖雙江秀色看  
俱發十載清觴得共銜遠浦不禁迴鴈鶩高臺猶  
爲護松杉求羊若許能相待三徑歸來荷短鑿

郢中三詠爲會中丞賦

秦中還使節漢上臥文園散帙便欹枕看山足杜  
門書藏京嶺近劔倚石城尊知有南熏奏長歌

聖主恩

右讀書樓

拂衣無不可學圃在江鄉僮理栽花徑人尋載酒

堂歌能飛白雪笛自和滄浪蚤遂冥鴻志非耽野

趣長

右西清圃

城上霞成錦開軒向郢都一毛標鳳穴千里識龍  
駒寒竝金莖直光侵玉樹孤韋賢推相業曾是漢  
名儒

右錦標軒

九日同陸華父張仲實蔣子瑞黃元先龜山  
游宴得花字

江鄉秋色在黃花賓客來尋錦水涯風起平蕪吹  
鶴雀山寒叢薄散麀麋林光稍入三珠樹酒氣猶

蒸五色霞誰遣白衣能就我紫桑荒徑是吾家  
重陽後一日同陸張蔣三子集黃元光宅  
勞君招隱意念我倦游人不恨交爲晚空知醉是  
真宅邊環細鞠林外帶荒榛莫問江州酒時來漉  
葛巾

陪陸華父諸君集舍弟經季海霞閣池上

白社能頻訪烏衣亦可游花含三徑色木落一庭  
秋海鶴寒相傍山池澹不流持觴遙問月猶自戀  
滄洲

華父元光諸子過舍弟明叔酒禪閣同集

好客田家少清齋秋事閒益惟三友者游豈五侯  
間玩世非關酒逃禪不在山諸生依繡佛長笑虎  
谿還

十四夜同陸華父登方清臣問月臺

萬戶正西風登臺得謝公清光搖几席寒影入簾  
櫳笛起滄波外觴飛白露中還同吳苑客今夕賦  
江楓

題小竹林圖贈黃元光

歐陽文忠公集 南齋卷之一 五  
覃懷西望竹爲林箕踞誰知托隱心我憶酒爐曾  
醉處河山寧隔萬重深

景雲樓爲元光賦

萬峰西走白雲平二仲來時小徑成登望更誰知  
此意樓前何限太行情

杪秋同陸華父登青羅山頂望羅浮

嶂前松栝九秋殘紫邏東迴路幾盤秦戍風烟餘  
燧火粵門天地一泥丸鐵橋雲落銀濤湧朱鳥星  
高玉鳥寒爲報安期今可待去從神武挂吾冠

題仙鹿圖

十年夾轂路繽紛今去還山臥白雲五老峰頭飛  
瀑下不知何處遇佳君

畱別沈純甫陳宗謨

朔吹津亭瀕洞間海天寒色照刀環誰令雁字催  
征騎頗爲梅花戀故山玉鳥共占仙令起金門遙  
待侍臣還他時把袂知何處應笑馮唐鬢共班

題馬醉狂梅雪圖贈潘壻幼恭

梅花枝上鵲寒棲雪漲江天月滿溪詞客揮毫何

處醉玉壺春酒秣陵西

過潘子朋櫟園

大櫟蕭森江上村杖藜尋爾辟疆園瓜山文藻風  
流在金馬何論更避諠

激湍流水遶房櫳古木長含萬里風問字曾稱老  
賓客濁醪今日憶楊雄

會中丞平都蠻凱歌

八首

平

釜鉞西征都掌來峭天孤壁倚崔嵬銘勛已勒平  
蠻日萬歲君王萬曆開

繩橋塹壘各縣軍父老先傳諭蜀文奪取凌霄揮  
毒霧衝梯飛磴一時焚

岌鬱雲邊鐵是城九絲摧破洞巢平鳳頭山接雞  
冠嶺建武新屯十萬兵

青羌遺種號雲郎山鬼呼羣滿大荒玄甲金戈霄  
漢下西南天地掃攬槍

巖箐歸民歲可租荆榛剪作繡鞵毬將軍露布飛  
傳捷天子明堂坐受俘

蠶叢為族竹為王越嶲犍為達夜郎今日橐弓親

享贊武侯銅鼓漢金鎗

赫赫中丞是世臣封君任子誥仍新楚材原自興  
都起畫作麒麟第一人

轅門鏡吹擁雕戈大夏西收笮馬多漢殿侍臣歡  
上壽白狼槃木盡成歌

徐子與閩中書至時余在青蘿山中

昆明萬里久無書尺素東來十月餘玉笛遙傳滄  
海曲綵虹新傍武夷車彈冠身映雙蓬鬢伏枕烏  
啼一草廬消渴經年慚削藁茂陵堪自老相如

北轅集序

楨伯為諸生時即能破萬卷故其為文  
自永初以下詩自太康大曆以下不襲  
一語也雅尊古卑今而於今之人獨景  
行李于鱗王元美與嘗從事於斯者嘉  
隆間以貢游燕諸詞人集燕者爭與結  
社而是時向所謂六七君子亦既星散  
矣楨伯念不得與之游各為詩致之故

吾二人者未習面而甚習其詩也已茲  
集蓋其公除此上轅中諸所為者不彼  
不佞而屬之序夫楨伯為名高述作非  
一于鱗輩已為立之言矣余何言間讀  
元美廣五子詩於楨伯深嘉其卓識而  
終之曰苑<sub>二</sub>照影姝沾<sub>二</sub>不虞妬蓋傷其  
未之遇矣夫何傷天下不有負品隲稱  
知言傳所不朽於來世者乎則惡能舍

楨伯詩也且嶺南之稱詩者巨慮百數  
大抵宗五先生而上下之也自吾友梁  
公實黎惟敬與楨伯迭起則快然曰斯  
蓋揭日月於吾南者矣即五先生安能  
當三先生於今之世哉夫世之有取於  
楨伯也如此楨伯非取之也則亦未為  
不遇矣

萬曆丁丑夏豫章余曰德謨

北轅集卷之一

嶺南歐大任楨伯著

北上答諸親友相送

曙催河斗轉闌干垂老憐予把別難  
鷓首舟煩諸子送竹皮冠笑故人彈  
出門天地濤聲壯憑軾關山雪片寒  
醉後強拋滄海去麴塵終戀釣魚竿

宋郡丞季鷹邀飲署中同華父得吟字

雄郡開名勝三年我甫尋池渟瀆水出  
窻納嶺雲溪客裡多吳語尊前半越吟  
淹留堪水夜一慰故

人心

保昌黃明府邀飲因念亡友傅木虛

詞伯今爲令開尊愛客過歲陰江樹冷山色縣齋  
多雙鳥知將去三楓更若何因君談舊侶空憶幔  
亭歌

嶺下酬蔣宋二使君見過

梅花嶺下老擔簦敢向中原論代興置驛豈期逢  
掖貴覓船猶愧孝廉稱虞廷此日咨州牧漢相何  
人起郡丞聞道長安推轂地歸朝行見璽書徵

度嶺懷錢汝瞻沈純甫黎惟仁諸君

粵江三醉故人觴立馬關前一望鄉裊綴白雲千  
壘石飄零孤劍萬家霜別來癡豈諳時事老去歌  
堪傷酒狂無賴征鴻飛欲盡那能相憶不沾裳

雪中過贛同華父集葉太守郡齋

地主今逢舊豸冠麟符千里借才難席邊章貢波  
聲壯郡裡空同雪色寒五夜題詩邀客賦十年封  
事爲君看張燈不淺持觴興已聽關城畫角殘

宋都閩邀遊天竺寺



輕裘緩轡訪禪關愧我來遊鬢已班獵向藍田非  
小隊燈傳天竺是名山逐臣雙淚愁邊賦狂客偏  
酡病後顏誰料虔州竟分手薊門車騎可能攀

攸鎮驛陪葉贛州餞送何中丞

灘頭五馬餞筵開共送中丞繡斧回山擁玉虹隨  
去節雪吹金液照行杯單車曾見埋輪疏獨坐今  
推補衮才鄉里衣冠吾已愧客星猶自傍三台

過豫章訪朱用晦

朔風隄嶺爲君行豈但西園斗酒情飲是布衣留  
十日交無縞帶贈平生以予下走稱鴛蹇借客中  
原但姓名此夕不禁飛動意雙龍今在豫章城

朱宗良方士功朱貞吉朱巍甫朱佳甫趙脩  
甫彭穉脩邀集竹在亭得秋字

豫章城下繫扁舟斲得南皮一日留頌酒二豪先  
酪酏稱詩七子盡風流仙才已過周封史帝胄誰  
如漢小侯脩竹檀欒池水在可因枚乘托千秋

抱郝軒爲朱宗良賦

雙鈎挂壁閒長嘯問匡山酒客呼盧過諸生佐鍛

還立言存繫表白眼向人間君自吟梁父何妨一  
掩關

飲朱同伯佳南草堂

十度封書問閉關披襟心比白雲閒校書漢代題  
中壘奏雅淮南號小山轡可控持風雀上劍曾飛  
射斗牛間爲君三醉清歌起似勝當年七日還

伯融潛甫宗平諸王孫邀飲懷白堂

公子西來孰轡過千秋虛左事如何豈緣白髮勞  
車騎曾是朱門愛薜蘿家自列侯人競爽風存大

國客能歌澣杯不覺淹清夜共向燈前散玉珂

彭穉脩聽雨齋

客子息心久高齋緇帙開濯枝初浙瀝忽過豫章  
臺瀑雪飄空下松風雜響來此時欹枕聽賦罷興  
悠哉

朱巍甫春草堂

公子稱時彥抽書夙好奇誰知春草夢更似謝家  
詩碧杜初縈渚青莎乍暎池賦成藏玉笥心賞更  
何疑

佳甫上雅堂

名家開藝苑負笈許相尋  
大雅何人力中興百代  
心酣歌存妙理丘壑寄長吟  
知爾方求試金門一  
寄音

南浦亭遇朱孔陽自桃花嶺還

稍棲牛屋欲何依  
客似前洲伐荻歸  
嶺外覓驚書  
後夢河梁淚灑別時衣  
渡江詎意逢袁叔  
入洛猶能共陸機  
朱邱故人如寄憶  
春來無數朔鴻飛  
陰廉憲見過

滕王閣倚楚天長  
秋憲相尋上短航  
十載門徒文  
蜀郡一時賓客杜  
當陽匡牀長嘯鄱湖月  
繡斧先飛粵海霜  
歸赴內臺應獨坐  
建章春色望鷓行

雪中同陸華甫泛舟章江  
憶曾與華甫自廣陵  
冒雪渡楊子過白下

玉鱗波急布帆開  
楊子扁舟訪戴迴  
誰料嶺梅今共折  
章江衝雪十年來

華甫往尋武山予艤舟泰和望之未至

丁戌山人駐此山  
石壇丹井綠雲間  
爾今欲就陶

皮隱待我住廬白鹿還

自百家渡放舟西上何中丞見過夜飲

霜威猶向酒邊寒沙磧頻經九十灘幸是傾縈同人洛不妨人作季鷹看

行次廬陵逢梁公智謫教吉州

巴西傲吏不相聞把袂誰知路又分江艇夕停螺水雪山齋寒宿鷺洲雲持經但可傳諸士罷酒何妨咏五君侍從縱然非狗監豈無人誦子虛文

東湖草堂訪趙脩甫

卜築承先業徵君舊有湖池流通蠡澤窻色入香鑪樗老材非散山移谷似愚閉關今日善從此著潛夫

雪後同華父泛湖望康郎山

西擁餘艍作勝游宮亭湖上晚蕭颼帆吹匡阜諸峰雪書隔湓江九派流高浪樓盤蛟蜃氣大風軍散鸛鵝秋黃麾尚想高皇日咫尺雙龍傍斗牛

饒州酬黃兵憲士弘妙果寺飲別

楚天風雪幾停艍西過康郎更問途置驛鄭莊頻

請謝乘塵陶侃在江湖借才價重連城璧映坐光  
搖五色珠此夕尊前貪握手出關征馬各踟躕

學古齋

高咏北窻前佳山儼相向誰知晞古心已在羲皇  
上

夜別陳饒州

寒夜雙星入部初故人相見十年餘鴈聲鄱水牽  
絲竿雪色芝山照綺疏仲舉留賓江郡榻長卿諫  
獵漢庭書爲君歸報中朝舊懸向齋前只有魚

殘臘同華甫宿石壁館

天涯行役媿蹉跎路入新安臘已過一夜鄉心頭  
欲白溪聲猶在枕邊多

登雪浪閣謁羅太史祠

有引

嘉靖壬戌余過玄潭望雪浪閣寄太史詩  
太史邀會閣中談一夕期往石蓮洞不能  
赴今太史已下世重登是閣展拜祠下追  
憶十三年矣江山如故哲人安在因次壁  
間胡學憲韻以識今昔之感云

書在名山盡上乘只今那得拜孫登齊盟壇坵羣  
公後快覩須看十載曾病起入門惟玉鑰覺時舍  
後卽金繩君看閣外玄潭色掠海歸來下雪鷹

尊賜樓爲茂材奉國題

尺五天邊詔展親璇題縹緲逼星辰汗牛書重先  
朝賜繡虎才稱百代人繁弱尚藏封父舊懸黎今  
較大梁新主恩更問君侯樂元是分茅肺腑臣

容郝軒

一室不求寬易安已能審君看五柳人葛巾漉還

飲

少玄精舍爲朱弗斯賦

楊生一畝託幽棲草就猶堪手自題宅比崤陽今  
更近尚玄人在大江西

過朱潛父種菊園

五柳門前一草亭手栽叢菊愛延齡只今南國王  
孫宅人識西江處士星

離垢先生舊有園黃花三徑喜猶存籃輿半醉歸  
來日尚有些桑濁酒尊

朱貞吉彭穉脩出宿南浦舟中爲別得寒字  
交溪淹旅泊共宿楚江干雪積征途遠波驚客夢  
殘飯牛天欲曙枕麴夜猶寒星劍燈前把他宵却  
自看

宗良孔陽攜酒同貞吉餞石亭館得曹字

王孫何意氣送客出城勞交誼星能聚詩名岳竝  
高雄飛俱世路雌守且吾曹尚有浮生在中山足  
濁醪

貞吉攜酒同宗良孔陽再餞滕王閣得筵字

爲戀平原酒沙頭復此筵閣猶看蛺蝶月自鬪嬋  
娟去住牽舟後江湖把袂前斯須還共立贏得故  
人憐

立春日風雨仍泊石亭館魏甫佳甫攜酒同  
宗良貞吉孔陽飲舟中得橈字賦成韻

章江不可渡今復駐雙橈客困亭仍泊君來筵暫  
邀稍堪忘節序猶自候風潮臘暗催梅萼青新入  
柳條沉雲歌扇溼急漿酒船遙滿酌開懷抱清歡  
慰寂寥鴻飛驚屢下馬凍立頻驕莫奏笙篴曲離

魂已半銷

瑞昌奉國將軍奉 敕旌孝伯融與焉紀贈

一首

將軍忠孝自天成令子猶脩奕世名相以象賢殷  
大戊家傳爲善漢東平千秋帶礪河山在五色絲  
綸日月明仲舉偏題高士疏豫章今更表西京

過方士功玄隱軒

海內詩名謝法曹徑荒今已長蓬蒿書成亭下玄  
爲草載向門前白是醪孺子湖連敷淺遠匡廬山

竝少微高知君不借青雲色以此千秋亦足豪

望武陽寄余德甫

尺書何處問加餐溢米荒廬一布冠尉氏骨今柴  
竝立介休芻與玉同看哭來玄塚啼烏急病後青  
山策馬難惟有白華堪寄汝烟波西阻武陽寒

子浚用晦攜酒同宗良孔陽餞送分得書字  
近關頻載酒先枉隔城書風雪能留客烟波幾定  
居情牽五兩外歌送百觚餘別去長相憶江頭問

鯉魚



雪中同華甫發南浦酬用晦

六花飛滿菟園中  
枚叔揮毫自國工  
江上挂瓢千里去  
蘭臺今借大王風

陸賈裝輕共北歸  
扁舟衝雪鴈同飛  
誰知此地三人別  
却向姑蘇望少微

前路當與華甫別故云

送王元美出撫鄖陽時予過豫章遙有此寄  
九重新詔賜彤弓  
數馬曾知石慶同  
鄖上共尊中執法  
郢都今似右扶風  
樓開玉節籌邊遠  
堤唱銅鞮佐酒雄  
賓從况兼文武士  
登臨誰不羨羊公

臘日過歐村有感

黟縣南頭亦我村  
何論名姓謝公墩  
出山拋却雞豚社  
獨把椒花憶故園

途中寄顧少叅益卿于時益卿方謝病居海上  
上

天涯病後憶行旌  
北去空馳萬里情  
薏苡謗來雙鳳闕  
芙蓉光在五羊城  
山中客解陪操管  
海上人猶望請纓  
不是窮愁歸趙日  
著書何必似虞卿

除夕同華父祁門客舍

歐陽文忠公集 卷之十一 十一  
柳花曾共嶺南看豈料新豐此夕寒獨以衣裳淹  
逆旅却憐兒女憶長安酒沾白墮扶殘醉飯煮雕  
胡謝一餐爆竹家家歡不寐萬山風雪照銀鞍

遊齊雲巖雪霽

帝時金堂玉作橋萬松積翠半空寥青山九鎖琅  
函秘白雀羣呼絳節朝風似洞庭聞廣樂雲疑立  
圃上叢霄天都此是昇真路去去騷鸞亦不遙

白岳棚梅菴吳鍊師西閣

立武宮西側千秋此閣尊雲移知岳立松響似濤

翻鶴竝爐烟起鵝因墨沼存曉來看玉檢杖策過  
天門

過休寧訪汪禹父邵長孺

雪霽山城曙色開衝寒猶爲故人來柴門下馬驚  
相問稚子牽衣繞幾回河洛風塵千里夢廣陵花  
月十年杯秬今世路頭堪白莫漫飄零說劍才

遊吳舍人賁園

視草歸來未白頭隱居何處是菟裘山移華岳攢  
花出水學巴江作字流曲磴雲邊盤鳥道飛灘屋

國朝詩集 卷之一 十三  
下引龍湫辟疆不厭留僖父春入西園一度游  
訪胡茂承不遇

千金曾結少年場自擬重逢典鷓鴣念我游燕歌  
後筑問君歸粵橐中裝來投短刺門前客立憶他  
鄉馬上郎極日吳閭飛匹練迴船無笑子猷狂

過長源就程子虛宿

問訊豐干社因君策馬尋蓋傾交未晚榻下意何  
深絲筆諸生事綈袍國士心劇談天欲曙攜手戀  
山林

溪南訪吳虎臣

河梁別後五年更金竺停車此日情涕淚總談皮  
骨在雲霄寧問羽毛生世疑厭次狂方朔家自陳  
留醉步兵與爾逍遙俱萬里不妨江海託浮名

吳仲實攜酒同陸華父吳仲足方獻成吳虎  
臣方元素汪仲嘉泛新安江得飛字

乘筏下漁磯良朋此會稀雨看巫峽至濤似曲江  
飛海鴈雲俱溼溪梅玉竝圍一尊同爾賦聊得濯  
征衣

雨夜集吳虎臣宅得歌字

謝家賓從得羊何夜雨蕭蕭我更過直以酒尊留  
北海豈緣經術老西河青春作伴堪乘興白雪誰  
來敢和歌陵勁一時諸子在大鄣千丈鬱嵯峨

夜過黃鴻臚汝會宅同華父惟昭汝學直卿  
觀燈得燈字

京洛同游客誰期此試燈樹懸珠的皜窻照玉峻  
嶒雲騎花爭出星橋雀共升稱詩紛滿席偏喜酒  
如澗

人日過吳舍人

清溪萬道赤山廻內史名家甲第開五色花中龍  
馬種一毛池上鳳凰才人爲日起新年入客似星  
從萬里來右掖知君曾染翰尚看雲氣接三台

邵一坤墓舍得新泉汪中丞題曰裂石爲賦  
四韻

青門故侯後家行石中涓傍塚山成雪鉏雲供有  
泉碑猶題馬鬣祠已築牛眠太史操彤管 皇恩  
更萬年

題陳達甫酒星亭

百年天地小蘧廬種竹爲林與世疎  
滄海一星堪是酒青山二酉盡成書  
葛巾漉後寧辭醉藜杖錢多不願餘  
白眼沉冥君自愛蘇門長嘯意何如

贈汪虞仲

落穆汪郎有父風息陰偏學隱墻東  
誰將處士輕周黨我自通家得孔融  
相馬豈論今日瘦雕蟲先讓少年工  
石楠睥睨天門側何限蕭然萬籟中

興矚亭爲程虞仲賦

爲問丹陽山長朝來爽氣如何九錫杖笠無恙四履煙霞孰多欹枕飛梁大石遶牕全竺松蘿縱望長安西笑不妨捉鼻行歌

遊程舍人樗園

一臥山林道自尊舍人今似浦長源  
天年何但樗堪比手種槐陰已滿門

珠樹嶺前看五松大鄣丘壑貯君胸  
東來客有靑霞佩爲向關前認是龍

題宗海別駕水月亭

懸車休沐早於此息微躬水月涵暉處冬春皎鏡  
同金波猶穆穆白露共濛濛君自真如性何勞論  
色空

酬功父格之禹又魯文上甫汝恒送別

停君車騎翠坡陀白玉雙童幾曲歌行客豈堪連  
袂聽海陽攜手似漳河

元宵同李功甫陸華甫邵一坤邵格之汪禹  
又金德潤金上甫鄭魯文程鳴甫汪虞仲邵  
濟時邵惟成邵汝恒集邵長孺環齋程子虛

無過兄弟自歎適至分得高字

丘中一士臥門徑尚蓬蒿瓜自逃秦祿蘭曾入楚  
騷憶從邗上日竝賦廣陵濤越調誰令變南音頗  
亦操盤寧嫌苜蓿尊不待蒲萄禪寺時同被漕河  
數放舫詩傳梅下閣社結竹西臯再別梁園隔相  
思薊北勞烟霞尋舊約筆札有吾曹交已傾肝膽  
衰今感髻毛海陽鸞鳳渚江左鷓鴣刀麋至逢諸  
子嚶鳴得二豪中與人競奮右席客偏叨筵敞燈  
花艷庭看象緯高百牢紛折俎四座儼揮毫燁燁

國朝詩集 卷之一 其  
青萍色翩翩白鵠袍羅浮歸鮑靚金馬使王褒攬  
袂平原飲停車末路遭簪裾慚撫髀風雨冷持螯  
預恐離羣去何年問濁醪

陳明府德基邀遊江石臺遲汪禹又邵長孺  
未至得高字

天臺百尺駐干旄一曲偏驚白雪高樹擁歸雲封  
斷石渦盤急峽激飛濤陂因僕射銘今勒湖比郎  
官與更豪千載風流釃酒日可令鞭弭少吾曹

同陸華父邵長孺集何少愚侍御日宜園

避驄不記是何年折節邀賓意獨偏席下谿聲長  
灑灑雨中蘿色淨娟娟問多奇字今無酒撫亦孤  
琴久不絃江左仲言稱上駟風流誰得共橐鞬

夜登曹進士仲宣樓

江左風流漢署郎高樓邀客說干將名高繡虎題  
雙管書就雕龍滿幾囊山色盡疑連宛鄧溪聲猶  
似挾沮漳只今信美當吾土夜倚星辰望帝鄉

玉芝亭爲程無過賦

明時蒸上瑞天意爲斯文三秀披清露雙莖護絲

雲玉餐秦桂父輶度漢茅君欲勒亭前石仙才本  
不羣

題邵汝恒擬梧軒

樹下機方息嗒然唯濁醪世今嗉物役君已解天  
毀稍得樗全幸寧知磬折勞松蘿看不厭行弄白  
雲高

新安別華父

南來嶺外二年賒竝轡東風又歲華鐵笛爾思吳  
苑月青尊吾醉薊門花山人詩在寧知俠國士恩  
淡敢問家抗手新都還此別莫令漂泊失天涯

宛陵陳太守郡齋夜集

馬首都門十載分宣城把酒念離羣榻非孺子猶  
稱客詩似玄暉却羨君歌裡娟娟春穀月尊前片  
片敬亭雲江南此別三千里何處飛鴻尺素聞

采石渡江寄內

攜家久有鹿門期宦事風萍悵別爲海上漁樵驅  
遠道天涯童稚見何時江淡白雪翻成浪柳細黃  
金盡作絲此際不須八行字羞將憔悴報君知



登謝眺樓

南朝多出守誰似謝宣城宛水猶詞藻青山有姓名  
烟綿平楚遠練淨大江清更望新林浦應傷去  
國情

采石謁太白祠

廟題江上客船是酒中仙虎口雖曾脫蛾眉自可  
憐醉淡秋浦月夢失夜郎天恨切楓林黑西川哭  
杜鵑

憇和州香泉館

何代溫湯館今依浴院開氣蒸江漢上雲度歷陽  
臺鶴沼荒明月驪宮散紫埃惟餘功德水長許濯  
纓來

劉太僕邀游瑯琊寺

渡江先問好山名西上瑯琊策馬行入部敢論星  
是客在垆今識月爲卿泉題庶子烟光薄亭倚梅  
花雪色明未必朝簪妨學道禪林何限宰官情

濠上莊子臺

積石雪濤飛雲來曳白衣大鵬風外息蝴蝶夢中

歸天地惟秋水山河自落暉誰知漆園吏於此譏  
無機

徐州度黃河訓舒觀察

孔令離筵酌酒歌風塵猶傍戰場過鴈聲頗共鄉  
心遠春色偏於客路多芒碭東來開鉅鹿崑崙西  
坂注黃河臨戎秉憲如君幾戲馬臺前興若何

過嶧山題鄒縣亭子

鄒嶧晴看翠滿衫杏花飛盡柳穆穆恠來馬上還  
家夢却是青山似嶺南

兗州樓上聞曉角

龜蒙山畔魯城東春曉飛花似雪中畫角豈堪征  
客聽斷腸不必待秋風

過兗州寄李陽穀

故人雙鳥遠一望魯東門經術汶陽重儒風稷下  
尊出令慚小草佩欲贈芳蓀粵客猶章甫誰憐歲  
七奔

二月十三日大風沙起行德州三十里

九道河枯古驛迷春淡風礫馬頻嘶故鄉此日簾

國朝詩集 北軒卷之一 三  
櫳暖盡試輕羅聽鳥啼

嶺外花朝花事齊故人載酒滿江隄誰知獨冒風  
霾色千里鳴沙似磧西

阜城過獻縣次公瑕壁上韻因懷公瑕

瀛渤蒼茫星漢微征鴻西傍薊雲飛五湖真覺難  
拋得未到長安已憶歸

寒食謁大毛公墓祠

東過瀛海駐征鞍椒酒祠前食正寒薤葉覆溪題  
字石杏花飛滿講詩壇風多大國泱泱後教自西

河寂寂殘趙客一官輕博士魯人三頌入長安獻

王昔拜先生席都養曾供弟子餐碧樹種來秦日

月青山藏有漢衣冠祭荒古社增悲愴城護精廬

尚鬱盤

地名毛精壘疑壘音近廬字故訛也

豈但儒林稱訓詁傳經

千載似公難

鄭州城春望

柳嶼蘆汀帆數舟燕南今似五湖秋樓頭一望春  
波細誰信風塵古鄭州

盧溝曉發入都

百里關門待曙開西行輓輅幾人哉滹沱月照邊  
鴻過大陸雲隨代馬來紫殿烟花紛掩靄碧霄宮  
闕鬱崔嵬長卿敢道游梁倦媿乏公車奏賦才

初至燕京袁文毅邢子愿梁孔適三進士朱  
在明顧叔潛二光祿汪太學仲淹同集黎秘  
書惟敬宅得春字

蒯緱歌肯向時人倦攬征裘萬里塵字挾風霜滄  
海氣路停車轂薊門春一官直閣憐君老諸子高  
陽笑我貧清世已知容結綬豈堪枚叟更游秦

上巳朱在明見邀同管建初安緒卿張元春  
修禊韋園時在明南遷將行

風光三月帝城春韋曲千家俯澗濱燕酒共攜拚  
酩酊客衣頻挽袂緇塵青絲轡轉花間騎錦帶穿  
來柳下鱗醉後雙童吹玉管莫令催送渡江人

送張羽王利州叅軍

十年相見鬢成絲燕柳偏逢謫宦時江漢九歌誰  
忍聽風波一失爾何之巴山月落啼猿急蜀棧雲  
深去馬遲莫道護軍蠻府遠應知劍閣待銘詩

送朱光祿赴崇府審理

孤臣何處不天涯一嘯青冥散落霞  
笛裡江淮千里權尊前嵩洛十年花  
在鄒韋氏詩爲傳居魯朱生俠是家  
去國恩深歸有日汝南元自異長沙

陳忠甫攜酒同梁孔適夜過

三年書劍爾燕臺萬里風塵我亦來  
作客做裘曾自補傍人長缺竟誰哀  
斗醪老慰窮途色囊粟堪羞國士才  
何限青雲驕白眼酣歌星漢一徘徊

過沈太史肩吾飲話江淮舊事

雨後城西策馬尋故人今喜在詞林  
交論羈旅同盟日病許驅馳異代心  
江上簫聲勞夢寐石頭書札付浮沉  
先登努力君能事執轡中原念獨深

過許贊善維楨飲懷王太史紹傳

羸馬風埃使者催逢君書殿講經迴  
渴思白墮從誰問賜出黃封爲客開  
沉陸金門三月夢談天玉署十年杯  
先朝供奉王郎遠何日孤棹海上來

范中允伯楨宅觀梅花同吳記室作

羅浮佳色敢相矜曾共何郎句並稱  
試問烏程呼

白濁爭如玉署擁青綾光搖遼海參軍月寒傷金  
華學士冰禁近天邊憐幾樹夜來還欲把銀燈  
丘謙之黎維敬過飲

何意風塵得酒徒飛花春盡見平蕪惟餘佩劍寒  
能解縱少囊錢薄可沽謁者公車羞奏牘咸陽客  
含滿呼盧紫騮偶向門前繫誰道交游盡五都

何中允啟圖宅緋桃盛開與洪康朱蘇管陳  
張諸子同集

經幄初迴勸講晨崇桃灼灼更邀賓抽毫署裡開  
文苑擊筑尊前傷酒人花綬半垂宮錦爛茜袍偏  
遇賜緋新偶隨方朔金門下那得漁船去問津

同許光祿王進士集余太史伯祥宅

老去彈冠敢自嗔相逢驚見二毛新白門客是漁  
樵侶彤管君爲侍從臣競起大名皆上駟窮來薄  
宦已前薪誰云綵筆干星斗獨有長安索米人

送周公瑕還吳

崢嶸綵筆氣猶雄何意相逢碣石宮裘馬始能辭  
塞下尊鱸偏自憶江東攜來劍作雙虹色歸去冠

仍一鵑窮聞道近臣多引薦五湖天濶有冥鴻

答吳少修見寄

鄖中君昨住念我薊門行落日他鄉夢浮雲薄宦  
情山通秦虢略驛過楚方城欲問沉酣事唯應乞  
步兵

同黎郎中過喬評事飲丁香花下

視草每歸遲看花與客期紅香紛旖旎紫豔半葳  
蕤覓句杯頻送留驪席屢移未須歌白紵南國待  
新詞

送秦行之宰江都

竹西歌吹入淮長十載曾遊卜草堂縣裡琴聲同  
單父城邊花樹似河陽玉簫春色移雙舸瑠觀秋  
風醉幾觴君去政成應起召赤墀青瑣待鷓行

答張光祿元易

馬首飛花片片紅相逢何必是新豐似緣二仲能  
開徑誰爲諸生更築宮客醉蘇門春色裡君來蒲  
坂白雲中自憐垂老勞推轂應笑談天氣尚雄

蘇光祿子川喜余至賦詩感懷余念孫丈濟

浮沉京邑黎惟敬告歸嶺南而余亦外補有  
日和答一首并簡二子

十年南北路迢迢白首重逢荷 聖朝客食共懷  
燕市筑使車會聽廣陵簫避於金馬狂猶在焚却  
銀魚去莫招楊柳橋邊能幾醉不堪惆悵怨柔條  
黎維敬劉仲修洪從周康裕卿李伯高王敬  
美丘謙之劉子太史元秉邀集日涉園觀牡  
丹得花字

詞客西來白鼻駒綠茵二月共看花歌停玉笋盈  
盈露色映雕欄片片霞洛下才寧論似陸郢中曲  
自媿如巴東風無賴催人醉誰遣朱顏出絳紗

京營大閱簡將士

六師奮威稜大將咸鷹揚吾 皇嗣洪業講武肅  
萬方命閱三大營組練耀日光載旌建前茅列校  
開長揚羣蒐技擊盛七萃簡視良泰阿挾飛刺繁  
弱各蹶張行將破匈奴指顧平西羌所期樹勛伐  
勒駿書旂常

上林春曉



國朝詩集 卷之十一  
澹蕩韶光物候新  
離宮初霽已消塵  
飛英乍似黃山路  
細草曾沾渭水春  
風颭綵旌連曲榭  
雲圍綈幕滿芳津  
五陵車馬歡娛地  
多是西游講德人  
禁籞周遭百里斜  
玉泉流水湧金沙  
新鶯曙啣龍池柳  
遊騎晴嘶御苑花  
幄轉林光初映日  
山藏春色半蒸霞  
西都亦有抽毫客  
誰奏甘泉入漢家

大閱歌

漁陽上谷護神京  
統制京軍大將營  
橐鞬豈但三千士  
甲盾今稱百萬兵  
身作長城惟一劍  
氣雄強

虜請長纓寧論六郡良  
家子不數三河俠  
少名我皇選將命  
詛吉使者內庭承  
詔出事異之眾  
講射年禮尊南鄭  
登壇日由來頗  
牧才豈多一時衛  
霍名誰匹力可  
搴旗用勿疑恩  
加授鉞今非溢  
麒麟錦帶佩于  
將魚鳥分麾躍  
驕驕夷虜盡歸  
典屬國朝廷先  
繫左賢王運籌  
碩畫資帷幄制  
勝先聲出廟堂  
願得虎臣分斧  
鉞周家盤石萬  
年長

同邢子愿陳忠甫諸君過摩訶菴聽無弦上人琴

鳴琴何似在山中  
幻住師今念已空  
右室客爲騶  
處士西遊人似稷丘公  
泠泠石上諸天雨  
謾謾松  
間萬壑風  
玉几金牀吾欲就  
但留雙目送飛鴻

黃太史懋中席高陳二文學同集

賜書班嗣借相看  
西第今來卜晝歡  
碣石夕陰黃  
柳細漁陽春色白  
雲寒持醪席上歌  
金縷行炙花  
問出玉盤滿坐  
江南三月客那知  
銅馬是長安

送萬明府赴元城

春鴻同聽薊雲間  
佩印都亭去莫攀  
柳外盧奴分

大陸城頭沙麓引  
恒山芻糧遠實黃  
花塞烽火空  
懸白馬關三輔試  
君寧保漳計期飛  
傳已徵還

送黎惟敬請告南還

江淮別後不堪論  
豈謂驪歌又薊門  
賜沐爾今馳  
百粵代興吾敢問  
中原行裁荷芟山人  
服歸牧雞  
豚 聖主恩白首滄洲  
千里夢獨憐司馬臥  
文園  
持橐嚴趨在漢京  
君王曾問秘書名  
論從白虎  
親臨決經自青牛  
乞著成欲以新編藏  
大酉豈緣  
滄海厭承明他年  
共把梅花去四百峰  
頭策杖行

題沈以安大樸齋

何年茗雪上下築隱侯園樹色深藏閣溪流曲遶  
門全生同櫟社避世似花源誰許便高臥因知微  
尚存

送李符卿冊封崇藩因歸省少師相公

桐葉分圭出九重漢庭使者過金墉奉藩淮水尊  
王子畫壤平輿表岳宗宮醞歡承黃閣老璽書恩  
重紫泥封柏梁侍宴來須早策駟長安尚可從

朱進士子得邀飲同裕卿忠甫作

紫陌頻飛轡因君折節勞少年推作者交態及吾  
曹碁罷移牀近杯深岸幘高偶從京洛士何以答  
抽毫

雨中汪仲淹邀遊湖山亭同黎維敬袁文毅  
方于魯賦得花字

尊酒西亭客空濛見物華葑田隄上寺菌閣苑中  
花射雉蕪千里啼鶯雨萬家未須悲浩劫坐閱幾  
恒沙

送董體仁游嵩山

君訪玉笙館人能大梵歌三川一以望二室共誰  
過雪後餐靈柏雲中采貝多將歸尋舊隱精舍尚  
如何

送劉太史奉使桂林

虎節朝持出紫宸燕郊芳草送征輪茅分粵徼開  
藩國花滿灘江待使臣玉署一星彤管客柴門五  
柳白頭親過家牛酒應相憶侯爾還朝及早春

沈太史索題富順黃憲副西湖精舍

繡斧曾飛雪色孤幽棲今見輞川圖城開瀘水猶  
通瀆月出峨眉脊半入湖乍過漁童歌榜楫可無山  
鳥勸提壺風流文藻誰能似賦客相如漢大夫

送劉太史冊封入秦便歸高平省覲

曙星閭闔九天開奉使今勞侍從才玉節行經丹  
水路綵衣歸獻紫霞杯峻陵花木鶯邊過華岳風  
雲馬上來共羨史遷年最少周南無滯客輶迴

送沈尚寶使汴洛

蘭臺近侍舊含香猶是先朝尚璽郎使者鳴騶稱  
人洛詞人抽筆競游梁苑中修竹傳新賦岳頂三

花上壽觴歸日好文逢 聖主誇胡將見獵長楊  
闕下逢王鴻臚彥貽自閩中使還

都亭奏記未能歸雙闕相逢正曙輝滄海星隨詞  
客騎武夷霞落使臣衣清班贊謁趨鸞掖白首談  
經入虎闈通籍同時君最舊少年今已媿王微

寄宣府吳中丞

北門笳鼓散天驕萬里連營節制遙搜虜夜驅沙  
苑馬射生秋落黑山鵬軍中裨將咸推轂帳下降  
戎半珥貂筆橐長安吾獨老雲臺西望霍嫫姚

西苑


天開碣石築瑯琊瑤水西通禁籞斜粧閣月高懸  
作鏡昆池風激蕩成花麒麟獻瑞來周甸苜蓿移  
栽入漢家侍從王褒稀奏頌獨能牕裏畫雲霞

北轅集卷一

國虞音集

十轉卷之一

三



程